

摘藻堂四庫全書薈要

史部

欽定四庫全書薈要

史部

御批歷代通鑑輯覽卷五十八

詳校官助教臣謝登雋

欽定四庫全書蒼要卷七千五百十一

御批歷代通鑑輯覽卷五十八

唐

宗皇帝

興元元年春正月大赦

先是陸贄言于上曰昔成湯以罪已勃興楚昭以善

言復國

楚昭王遭閻閻之難出亡父老送之王曰父老反矣何患無君父老曰有君如是其賢也

相與從之請救秦人遂走陛下能不吝改過以謝天

吳師復國詳見劉向說苑

陛下能不吝改過以謝天

興元元年春正月大赦  
人心大悅者盡  
以太宗之德在  
人皆深而當時  
人心亦皆厭亂  
故其感動之速  
所謂饑易為食  
渴易為飲而赦

肺從以鑄羽翼  
尤不失潛變機  
宜耳無識者乃  
云德宗反正全  
由文詔勸人不  
知反正而指詔  
乖方藩鎮橫逆  
如故浸淫以至  
于唐亡所謂感  
人者安在孟子  
云仁言不如仁  
聲言矣

下使書詔無所避忌則反側之徒革心向化矣上然  
之故奉天所下書詔雖驕將悍卒聞之無不感激揮  
涕會術者言國家厄運宜有變更羣臣請更加尊號  
上以問贄贄曰尊號之典本非古制行于安泰之日  
已累謙沖襲乎喪亂之時尤傷事體必也俯稽術數  
須有變更與其增美稱而失人心不若黜舊號以祇  
天戒上納其言但改年號因以中書所撰赦文示贄  
贄上言動人以言所感已淺言又不切人誰肯懷今

茲德音悔過之意不得不深引咎之辭不得不盡洗

刷疵垢宣暢鬱堙使人人各得所欲則何有不從者

乎然知過非難改過為難言善非難行善為難假使

赦文至精止于知過言善猶願聖慮更思所難上然

之至是乃下制大赦制曰致理興化必在推誠忘己  
濟人不吝改過小子長于深宮

之中暗于經國之務積習易溺居安忘危不知稼穡  
之艱難不恤征戍之勞苦澤靡下究情未上通事既  
壅隔人懷疑阻由昧省己遂用興戎遠近騷然衆庶  
勞止天譴于上而朕不寤人怨于下而朕不知副致

亂階變興都邑萬品失序九廟震驚上累祖宗下負  
庶庶痛心醜貌罪實在予自今中外書奏不得言聖

神文武之號李希烈田悅王武俊李納等咸以勲舊各守藩維朕撫御乖方致其疑懼皆由上失其道下罹其災朕實不君人則何罪宜并所管將吏等一切待之如初朱滔雖緣朱泚連坐路遠必不同謀念其勲舊務在宏貸如能効順亦與維新朱泚反易天常盜竊名器暴犯陵寢所不忍言獲罪祖宗朕不敢赦其禍從將吏百姓等官軍未到以前並從赦例赴奉天及收京城將士並賜名奉天定難功臣其所加墊陌錢稅閭架竹木茶漆權鐵之類悉宜停罷赦下四方人心大悅王武俊

田悅李納皆去王號上表謝罪

後李抱真入朝為上言山東宣布赦書士

卒皆感泣臣見人情如此知賊不足平也

李希烈僭號

李希烈自恃兵強遂謀稱帝遣人問儀于顏真卿真卿曰老夫嘗為禮官所記惟諸侯朝天子禮耳希烈遂稱大楚皇帝以其黨鄭賁孫廣李緩李元平為宰

相遣其將辛景臻謂顏真卿曰不能屈節當自焚積

薪灌油于其庭真卿趨赴火景臻遽止之

希烈遣其將楊峯齋

勅賜陳少遊及壽州刺史張建封建封執峯腰斬以徇具奏少遊附賊之狀上以建封為濠壽廬都團練使希烈欲取壽州建封建將守霍邱希烈兵不得過希烈又南寇蘄黃及鄂州為曹王臯及鄂州刺史李兼所敗希烈由是不敢復窺江淮已而希烈將兵圍寧陵濮州刺史劉昌拒守凡四十五日不釋甲鎮海

節度使韓混遣其將王栖曜將兵助之以強弩數千游汴水夜入城明日從城上射希烈及其坐幄希烈驚曰宣潤弩手至矣遂解圍去

廬州隋置今江南

廬州府是霍邱隋縣今屬江南潁州府鎮海軍建中

初置治潤州王

栖曜濮州人

### 置瓊林大盈庫于行宮

上于行宮廡下貯諸道貢獻之物榜曰瓊林大盈庫陸贄諫曰天子與天同德以四海為家何為撓廢公方崇聚私貨效匹夫之藏以誘姦聚怨乎且頃者六師初降百物無儲殆將五旬死傷相枕畢命同力竟



夷大難無猛制而人不攜懷所感也無厚賞而人不  
怨悉所無也今攻圍已解衣食已豐而謠譁方興軍  
情稍阻豈不以患難既與之同憂而安樂不與之同  
利乎誠能近想重圍之殷通作隱憂追戒平居之專欲

凡在二庫貨賄盡令出賜有功每獲珍華先給軍賞  
如此則亂必靖賊必平徐駕六龍旋復都邑是乃散  
小儲而成大儲損小寶而固大寶也上即命去其榜

以蕭復為江淮等道宣慰安撫使

復與姜公輔俱于建中四年十月同平章

事

德宗縱宦官祀  
盧杞幾于奸人  
所惡故其後誰  
能免復運都而  
播遷至再亦已  
及其身滿後  
抗直雖云不量  
舉而正猶然比  
之當時朝臣可  
謂鐵中錫錫者  
矣

蕭復嘗言于上曰宦官為監軍恃恩縱橫此屬但應  
掌宮掖之事不宜委以兵權國政上不悅又嘗言陛  
下踐阼之初聖德光被自用楊炎盧杞瀆亂朝政以  
致今日陛下誠能變更睿志臣敢不竭力儻使臣依  
阿苟免臣實不能又嘗與杞同奏事杞順上旨復正  
色曰盧杞言不正上愕然退謂左右曰蕭復輕朕命  
復充山南荆湖江淮等道宣慰安撫使實疎之也

既而

復自江淮還以忤旨  
辭位罷為左庶子

詔復王武俊田悅李納官爵

先是李抱真在臨洺

上出奉天抱真退屯臨洺事具前

遣賈林說王

武俊歸國武俊許之

田悅欲與武俊共襲抱真林說武俊曰臨洺兵精而有備未易

曰林說激三武  
俊教語可謂言  
研而執于正非  
欲橫排闔家可  
比是以一舉而  
復強藩歸命運  
心坐斃其緒信  
夫然當時不聞  
謝嘗之加豈其  
人竟同魯連之

圓也今戰勝得地則利歸魏博不勝則恒冀大傷且  
易定滄乃趙故地胡不取之武俊遂辭悅而北會武  
俊先所召回統兵至幽州朱滔欲與俱取東都林復  
激武俊曰未滔西倚其兄北引回統其志欲盡王河  
朔大夫當臣事之否則見攻能臣滔乎武俊投袂曰  
二百年天子猶不能事安能臣豎子邪乃定計通好  
抱真而與然武俊猶外事滔而陰約田悅共背之使  
馬燧盟

而蹈抑抱真不  
欲揭之以為功  
而朝命遂弗及  
歟

相望至是朱滔使人說田悅欲與共取大梁悅不欲

行而未忍絕滔召官屬議之

許士則曰朱滔殺懷仙屠希彩怵兄使如京師

而奪之權有恩者謀同謀者履其心腹詎可量哉今  
不若陽許偕行陰為之備厚加迎勞至則託以他故  
遣將分兵而隨之則外不失報  
德之名而內無倉猝之憂矣  
會武俊亦遣田秀馳

說悅

秀述武俊語曰天子方在隱憂以德綏我我曹  
何得不悔過而歸之且洽九葉天子不事而事

此及滔乎八郎慎勿與俱南但閉城拒守武俊請伺  
其隙連昭義之兵擊而滅之與八郎再清河朔共事  
天子不  
亦善乎  
悅意遂決因遣秀還具道其謀而報滔曰如

約滔喜將步騎五萬人回紇三千人發河間而南入

趙境武俊大設犒享入魏境悅供承倍豐滔遣使見  
悅約與偕行悅曰昨將出軍將士勒兵不聽若舍城  
邑而去朝出暮必有變然悅不敢貳已令步騎五千  
從行供芻牧之役矣滔大怒即日遣兵攻拔數縣又  
縱回紇大掠而去悅閉城自守滔分兵攻貝魏于是  
詔加田悅右僕射復以武俊為恒冀深趙節度使李  
納為平盧節度使

遣使發吐蕃兵

吐蕃尚結贊請出兵助唐收京城遣秘書監崔漢衡

博平人使吐蕃發其兵

二月李晟還軍東渭橋

先是李晟屯軍東渭橋軍勢日振李懷光既脅朝廷  
逐盧杞等內不自安遂有異志惡晟獨當一面恐其  
成功奏請與晟合軍詔許之晟與懷光會于咸陽西  
懷光屯咸陽累月逗留不進密與朱泚通謀事迹頗  
露李晟屢奏恐為所併請移軍東渭橋久乃許之晟

遂自咸陽結陳而行歸東渭橋

加李懷光太尉賜鐵券

上欲親總禁兵幸咸陽趣諸將進討或謂懷光曰此漢祖遊雲夢之策也懷光大懼反謀益甚詔加懷光太尉賜鐵券遣使諭旨懷光對使者投鐵券于地曰人臣反賜鐵券懷光不反今賜鐵券是使之反也辭氣甚悖左兵馬使張名振當軍門大呼曰太尉視賊不擊待天使不敬果欲反邪懷光曰我不反欲蓄銳

以俟時耳懷光又發卒城咸陽移軍據之名振曰乃者言不反今不攻長安殺朱泚取富貴而拔軍此來

何邪懷光殺之

懷光潛與朱泚通謀其養子石演芬遣客詣行在告之事覺懷光召演芬

責之曰我以爾為子奈何負我死甘心乎演芬曰天  
子以太尉為股肱太尉以演芬為心腹太尉既負天  
子演芬安得不負太尉乎演芬胡人不能異心惟知  
事一人苟免賊名而死死甘心矣懷光使左右鬻食  
之皆曰義士也可令快死以刀斷  
其喉而去 石演芬西域胡人

李懷光反帝奔梁州

上以懷光附賊將幸梁州山南西道節度使嚴震

遐字



問梓州鹽亭人聞之馳表奉迎時李建徽陽惠元尚與懷光

連營懷光襲殺惠元建徽走免

先是陸贄自咸陽還奏言建徽惠元軍附

麗懷光必不兩全宜託言李晟兵少恐為賊此所邀藉此兩軍為犄角仍先諭旨二人即日進路上不從

逆及懷光與韓遊瓌書約使為變遊瓌奏之懷光復

遣其將趙昇鸞入奉天約為內應昇鸞詣渾瑊自言

瑊遽以上聞且請決幸梁州上遂出城命戴休顏

州夏

人守奉天休顏徇于軍中曰懷光已反遂乘城拒守

懷光遣其將孟惠靜壽孫福達將精騎趣南山邀

車駕至盤屋相謂曰彼使我為不臣我以追不及報之不過不使我將耳遂帥眾而東縱之剽掠由是百

官行者俱得入駱谷

注見前

以追不及還報懷光皆默

之初涇卒之亂兵部侍郎劉迺以病卧家未泚召之不起使將鎮說之再往不從鎮乃歎曰鎮不能捨生以至於此豈可復以己之腥臊汚漫賢者乎歛獻而反迺聞上幸山南自投于床不食而卒喬琳從至藍屋稱病為僧泚召為吏部尚書于是朝士之竄匿者多出仕泚矣

加神策行營節度使李晟同平章事

李晟得除官制拜哭受命謂將佐曰長安宗廟所在

晟以孤軍處二  
強寇間卒能建

巧匠復益忠義  
激發熱流離願  
沛時自足恃以  
自固幸則高嚴  
之哉亂定難不  
幸則為張巡許  
遠之致命遂志  
所謂易地皆然  
也

天下根本若諸將皆從行誰當滅賊者乃治城隍

東渭

橋營繕甲兵為復京城之計是時懷光朱泚連兵聲

勢甚盛晟以孤軍處其間內無資糧外無救援徒以

忠義感激將士故其衆雖單弱而銳氣不衰又以書

遺懷光辭禮卑遜而諭以禍福勸之立功補過故懷

光慙恧未忍擊之晟以判官張彧假京兆尹擇四十

餘人假之官以督渭北諸縣芻粟不旬日皆充羨乃

流涕誓衆決志平賊

三月魏博兵馬使田緒殺其節度使田悅權知軍府

田悅用兵數敗士卒死者什六七其下厭苦之上以

給事中孔叟父

字弱翁孔子  
三十七世孫

為魏博宣慰使叟父性

辨博至魏州對其衆為陳逆順禍福悅及將士皆喜

兵馬使田緒承嗣之子也凶險多過失悅杖而拘之

悅以歸國撤警備緒遂與左右殺悅及其將佐扈峒

許士則蔡濟等登城大呼謂衆曰緒先相公之子諸

君受先相公恩若能立緒兵馬使賞緡錢二千大將

半之士卒百緡竭公私之貨五日取辦于是將士皆歸緒軍府乃定因請命于巢父巢父命緒權知軍府朱滔聞悅死遣將馬實攻魏州別遣人說緒許以本道節度使李抱真王武俊又遣使詣緒召將佐議之幕僚曾穆盧南史曰用兵雖尚威武亦本仁義然後有功幽陵之兵恣行殺掠今雖盛強其亡可立而待也奈何以目前之急欲從人為反逆乎不若歸命朝廷天子方蒙塵于外聞魏博使至必喜官爵旋踵而至矣緒從之遣使奉表詣行在上以緒為節度使

### 李懷光奔河中

懷光以李晟軍浸盛惡之欲引軍襲之三令其眾眾

不應皆竊言曰若擊朱泚惟力是視若欲反我曹有  
死不能從也懷光知之問計于賓佐李景畧

良鄉人

曰

取長安殺朱泚散軍還諸道單騎詣行在如此臣節  
亦未虧功名猶可保也頓首懇請至于流涕懷光許  
之既而閻晏等勸懷光東保河中徐圖去就懷光乃  
說其衆曰今且往河中俟春裝既辦還攻長安未晚  
也東方諸縣皆富實聽爾俘掠衆遂許之懷光乃謂  
景畧曰鄉者之議衆軍不從子宜速去遣數騎送之

景畧出軍門慟哭曰不意此軍一旦陷于不義遂遁

歸始懷光方強朱泚與書以兄事之約分帝關中及

懷光已反其下多叛泚乃賜以詔書且徵其兵懷光

慙怒內憂麾下為變外恐李晟襲之遂燒營東走掠

涇陽等十二縣雞犬無遺至河中或勸守將呂鳴岳

焚橋拒之鳴岳以兵少恐不能支遂納之

上之發奉天也韓遊

瓌帥其麾下八百餘人還邠州已而懷光遣使詣邠

州令留後張昕悉發所留兵萬餘人及行營將士家

屬會涇陽遊瓌說昕曰李太尉功高自棄已蹈禍機

中丞今日可以自求富貴昕曰昕微賤賴太尉得至

此不負也遊瓌乃謝病不出陰與諸將相結舉兵殺  
昕會崔漢衡以吐蕃兵至矯詔以遊瓌知軍府事于  
是遊瓌屯邠寧戴休顏屯奉天駱元光屯昭應  
尚可孤屯藍田皆受李晟節度晟軍聲大振

### 車駕至梁州

山南地薄民貧盜賊之餘戶口減半大駕駐蹕糧用  
頗窘上欲西幸成都嚴震曰山南地接京畿李晟方  
圖收復藉六軍以為聲援若幸西川則晟未有收復  
之期也衆議未決會晟表至言陛下駐蹕漢中所以  
繫億兆之心成滅賊之勢若規小舍大遷都岷峨

岷謂



惟名與器不可  
以假人民獻瓜  
果不踴爾野人  
片謀之分錢帛  
膏與之足相酬  
寔欲授以試官  
其味于輕重實  
甚虛詩謂虛名  
遺施將無以爲  
立功者之勸非  
惟深中當時情  
弊相亦千秋爲

山峨眉山也岷山注見前峨眉山今在四川則士庶  
嘉定府峨眉縣西南有大峨中峨小峨三山

失望雖有猛將謀臣無所施矣上乃止嚴震百方以

聚財賦民不至困窮而供億無乏

上之在道也民有獻瓜果者上欲以

散試官授之陸贄奏曰爵位恒宜慎惜不可輕用獻  
瓜果者賜之錢帛可也上曰試官虛名無損于事贄  
曰當今所病方在爵輕設法貴之猶恐不重若又自  
棄將何勸人夫誘人之方惟名與利名近虛而于教  
為重利近實而于德為輕專實利而不濟之以虛則  
物力不給專虛名而不副之以實則人情不趨故國  
家命秩之制有職事有散官有勳官有爵號然掌務  
而受俸者惟係職事之一官此所謂施實利而寓虛  
名者也其勳散爵號三者止于服色資蔭而已此所  
謂假虛名以佐實利者也今之員外試官雖則授無

君者所當留意也

費祿然而突銛鋒排患難竭筋力展勤效者皆以是  
酬之若獻瓜果者亦以授之則彼必相謂曰吾以忘  
軀命而獲官此以進瓜果而獲官是乃國家以吾之  
軀命同于瓜果也視人如草木誰復為用哉今陛下  
既未有實利以敦勸又不重虛名而濫施則後之立  
功者將曷用為賞哉上居艱難中雖有宰相小大之  
事必與贊謀之故當時謂之內相上行止必與之俱  
梁洋道險嘗與贊相失上驚憂涕泣募得贊者賞千  
金久之乃至上喜甚太子以下皆賀然贊數直諫忤  
上意盧杞疑上心庇之贊極言杞姦邪致亂上雖貌  
從心頗不悅故恩  
遇雖隆未得為相

鳳翔節度使李楚琳遣使詣行在

初奉天圍既解李楚琳遣使入貢上不得已除鳳翔

節度使而心惡之

楚琳殺張  
鑑事具前

使者數輩至上皆不引

見欲以渾瑊代之陸贄奏曰楚琳之罪固大但以乘  
輿未復大憝猶存勤王之師悉在畿內僅通王命惟  
在褒斜儻或楚琳發憾猖狂則我咽喉梗而心膂分  
矣今幸兩端顧望正宜厚加撫循得其持疑便足集  
事必欲精求素行追抉宿疵則是改過不足以補愆  
自新不足以贖罪凡今將吏豈盡無疵又况阻命脇  
從之流安敢歸化哉上乃善待楚琳使者優詔存慰

之上又問贄近有卑官自山北來者論說賊勢語多張皇察其事情頗似窺覘若不追尋恐成姦計贄上奏曰以一人之聽覽而欲成宇宙之變態以一人之防慮而欲勝億兆之姦欺後智彌精失道彌遠項籍納秦降卒二十萬慮其懷詐而盡阬之其於防虞亦已甚矣漢高豁達大度天下之士至者納用不疑其於備慮可謂疎矣然而項氏以滅劉氏以昌蓄疑之與推誠其效固不同也陛下智出庶物有輕待人臣之心思周萬幾有獨馭區寓之意謀吞衆畧有過慎之防明照羣情有先事之察嚴束百辟有任刑致理之規威制四方有以力勝殘之志由是才能者怨于不任忠盡者憂于見疑著勲業者懼于不容懷反側者迫于及討馴致離叛構成禍災願陛下以覆轍為戒天下幸甚

夏四月加李晟諸道副元帥

晟家百口及神策軍士家屬皆在長安朱泚善遇之  
軍中有言及家者晟泣曰天子何在敢言家乎泚使  
晟親近以家書遺晟曰公家無恙晟怒曰爾敢為賊  
為間立斬之軍士未授春衣盛夏猶衣裘褐終無叛  
志

渾瑊以吐蕃兵拔武功

注見前

渾瑊帥諸軍出斜谷崔漢衡勸吐蕃出兵助之尚結  
贊曰邠軍不出將襲我後韓遊瓌聞之遣其將曹子

達將兵往會吐蕃遣兵二萬從之李楚琳遣將從瑊拔武功泚遣其將韓旻等攻之子達以吐蕃拒擊斬首萬餘級旻僅以身免瑊遂引兵屯奉天與李晟東西相應以逼長安

姜公輔罷為左庶子

上長女唐安公主薨上欲為造塔厚葬之姜公輔表諫以為山南非久安之地且宜儉薄以副軍須之急上謂陸贄曰造塔小費非宰相所宜論公輔正欲指

朕過失自求名耳。贄上奏以為公輔任居宰相。遇事

論諫不當罪之。

畧曰：凡論事者當問理之是非。豈計事之大小。故唐虞之際。主聖臣賢而

慮事之微。日至萬數。然則微之不可不重也。如此陛下又安可忽而勿念乎。若謂諫爭為指過。則剖心之主不宜見罪于哲王。以諫爭為取名。則匪躬之臣不應垂訓于聖典。假有意將指過諫以取名。但能聞善而違見諫不逆。則所指者適足以彰陛下莫大之善。所取者適足以資陛下無疆之休。因而利焉。所獲多矣。倘或怒其指過而不改。則陛下招惡直之譏。黜其取名而不容。則陛下被違諫之謗。是乃掩己過而過彌著。損彼名而名益彰。上意猶怒。罷公輔為左庶子。果而行之。所失大矣。

涇原牙將田希鑿殺其節度使馮河清

朱泚姚令言數遣人誘河清河清皆斬其使者牙將

田希鑒密與泚通殺河清而附于泚

泚授希鑒為節度使

以賈耽

字敦詩滄州南皮人

為工部尚書

先是耽為山南東道節度使使行軍司馬樊澤

字安時河

中奏事行在澤既復命方大宴有急牒至以澤代耽

耽內牒懷中顏色不變宴罷召澤告之且命將吏謁

澤牙將張獻甫怒曰行軍自圖節鉞事人不忠請殺

之耽曰天子所命則為節度使矣即日離鎮以獻甫



自隨軍府遂安

李抱真會王武俊于南宮

注見前

朱滔攻貝州百餘日其將馬實攻魏州亦踰四旬皆

不能下賈林復為李抱真說王武俊使合兵攻滔林曰

朱滔志吞貝魏復值田悅被害倘旬日不救則魏博皆為滔有矣魏博既下則張孝忠必為之臣滔連三道之兵益以回紇進臨常山明公欲保其宗族得乎常山不守則昭義退保西山河朔盡入于滔矣不若乘貝魏未下與昭義合兵救之滔既破亡則朱泚不日梟夷鑿與反正諸將之功孰居明公之右者哉

武俊悅從之軍于南宮東南抱真自臨洺引兵會之

兩軍尚相疑抱真以數騎詣武俊營命行軍司馬盧  
元卿勒兵以俟曰今日之舉繫天下安危若其不還  
領軍事以聽朝命亦惟子勵將士以雪讐恥亦惟子  
言終遂行見武俊敘國家禍難天子播遷持武俊哭  
流涕縱橫武俊亦悲不自勝左右莫能仰視遂與武  
俊約為兄弟誓同滅賊抱真退入武俊帳中酣寢久  
之武俊感激待之益恭指心仰天曰此身已許十兄  
死矣遂連營而進

五月韓滉遣使貢獻

韓滉欲遣使獻綾羅四十擔于行在幕僚何士幹請  
行滉喜曰君能相為行請今日過江士幹許諾歸別  
家則薪米儲備已羅門庭矣登舟則資裝器用已滿  
舟中矣每擔夫與白金一版使置腰間又運米百艘  
以餉李晟自負囊米置舟中將佐爭舉之須臾而畢  
艘置五百弩手有寇則叩舷相警五百弩已發矣比  
達渭橋盜不敢近時關中斗米五百及滉米至減五

之四

先是租庸鹽鐵使包信遣判官王紹進奉江淮

行在時山南地熱上以軍士未有春服亦自御袷衣及紹至上命先給將士然後御衫未幾韓況使亦至

包信字幼正潤州延陵人王紹本名

純字德素萬年人後避憲宗諱改名

### 吐蕃引兵歸國

朱泚使田希鑒以金帛賂吐蕃吐蕃受之遂引兵去

上以李晟渾瑊兵少欲倚吐蕃以復京城聞其去甚憂之以問陸贄贄上奏曰吐蕃遷延觀望翻覆多端

致令羣帥進退憂虞欲捨之獨前則慮其懷怨乘蹻欲待之合勢則苦其失信措延戎若未歸寇終不滅將帥意陛下不見信任且患蕃戎之奪其功士卒恐陛下不卹舊勞而畏蕃戎之專其利賊黨懼蕃戎之

勝不死則悉為之擒百姓畏蓄戎之來有時必盡為所掠今懷先別保蒲絳吐蕃遠避討疆形勢既分腹背無患城晟詣帥才力得伸但願陛下慎于撫接勤于砥礪中興大業旬月可期不宜尚眷眷于犬羊之羣以失將士之情也上曰卿言甚善然城晟諸軍當議規畫令其進取卿宜審細條疏以聞贊對曰賢君選將委任責成故能有功況今秦梁千里兵勢無常遠為規畫未必合宜彼違命則失君威從命則害軍事進退羈礙難以成功不若假以便宜之權待以殊常之賞則將帥感悅智勇得伸矣夫鋒鏑交于原野而決策于九重之中機會變于斯須而定計于千里之外是以用舍相礙否臧皆凶上有掣肘之譏而下無死綏之志矣且君上之權特異臣下惟不自用乃能用人惟陛下圖之

李抱真王武俊大破朱滔于貝州

李抱真王武俊距貝州三十里而軍滔聞兩軍將至  
急召馬寶或謂滔曰武俊善野戰不可當其鋒宜徙  
營稍前逼之待其饑疲然後可制也會實軍至滔命  
明日出戰實請休息數日回紇達干見滔曰回紇受  
大王金帛牛酒無算思為大王立效久矣明日願大  
王駐馬高邱觀回紇為大王翦武俊之騎使匹馬不  
返滔遂決意出戰武俊遣其兵馬使趙琳將五百騎

伏于桑林

胡三省注在經城西南  
城廢縣在今廣平府威縣

抱真列方陳

朱滔竊行恃亂  
為抱真等所敗  
既而味走劉忬  
為唐留守即當  
邀擊以擒之乃  
發兵具仗以迎  
是亦賊耳之稱  
時人以此多忬  
徇私情而昧大  
義終豈正矣

于後武俊引騎兵居前與回紇戰趙琳自林中出橫

擊之回紇及滔軍皆敗走抱真武俊合兵追之滔與

數千人走還夜焚營遁歸兩軍以霧不能追也滔歸恐

陽留守劉忬因敗圍己忬  
悉發守兵具儀仗迎之

以程日華

本名華定  
州安喜人

為滄州節度使

初張孝忠以易州歸國詔以孝忠為義武節度使以

易定滄三州隸之孝忠版其將程華攝滄州刺史華

素寬厚將士安之朱滔王武俊更遣人招華華皆不

從時孝忠在定州自滄如定必涉滔境參軍李宇說  
華表請別為一軍華從之上即以華知節度事賜名  
日華令歲供義武租錢十二萬緡

六月李晟等收復京城朱泚亡走其將韓旻斬之以降

李晟大陳兵諭以收復京城

引所獲謀人以所陳兵示之飲之酒給錢而縱

之謂曰歸語諸賊努力固守勿不忠于賊也

召諸將問兵所從入皆請先

取外城據坊市然後北攻宮闕晟曰坊市狹隘賊若  
伏兵格鬪居人驚亂非官軍之利也今賊重兵皆聚



苑中不若自苑北攻之潰其腹心賊必奔亡如此則  
宮闕不殘坊市無擾策之上者也諸將皆曰善乃牒  
渾瑊駱元光尚可孤刻期集城下

尚可孤敗泚將仇  
敬忠于藍田西斬

之晟移軍光泰門外方築壘泚兵大至晟縱兵擊之  
賊敗走明日賊復出兵諸將請待西師至夾攻之晟  
曰賊數敗已破膽不乘勝取之使其成備非計也賊  
出戰屢敗晟使兵馬使李演王佖

晟之甥

將騎兵史萬

頊將步兵直抵苑牆晟先開牆二百餘步賊柵斷之

晟怒欲斬萬頃等萬頃帥衆拔柵而入必演繼之賊衆大潰諸軍分道並入且戰且前凡十餘合賊不能支皆潰張光晟勸泚出亡泚乃與姚令言帥餘衆西走光晟降晟遣兵馬使田子奇以騎兵追泚令諸軍曰晟賴將士之功克清宮禁長安士庶久陷賊庭若小有震驚非弔民伐罪之意晟與公等家室相見非晚五日内無得通家信大將高明曜取賊妓尚可孤軍士取賊馬晟皆斬之軍中股粟公私安堵秋毫無

犯是日渾瑊載休顏韓遊環亦克咸陽

晟斬泚黨李希倩

希烈之弟

等于市

表守節不屈者劉迺蔣洸等遣掌書記于公異

吳人作

露布上行在曰臣已肅清宮禁祇謁寢園鐘簾不移

廟貌如故上覽之泣下曰天生李晟以為社稷非為

朕也

晟之在渭橋也焚惑守歲久之乃退賓佐皆賀歲曰天子野次臣下知死敵而已天象高遠誰

得知之既克長安乃謂之曰羸非相拒也吾聞五星羸縮無常萬一復來守歲吾軍不戰自潰矣皆謝曰

非所及也

朱泚將奔吐蕃其衆隨道散亡比至涇州纔百

餘騎田希鑒閉城拒之泚謂之曰汝之節吾所授也

奈何臨危相負使焚其門希鑒取節投火中曰還汝  
節泚衆皆哭涇卒遂殺姚令言詣希鑒降泚獨與范  
陽親兵北走寧州泚將梁庭芬射泚墜坑中韓旻等  
斬之詣涇州降傳首行在詔以希鑒為涇原節度使  
上命陸贄草詔賜渾瑊使訪求奉天所失內人贄上  
奏曰今巨盜始平疲瘵之民瘡痍之卒尚未備拊而  
首訪婦人非所以副維新之望  
也上遂不降詔而遣中使求之

以李晟為司徒中書令渾瑊為侍中駱元光等遷官有  
差上發梁州

楚琳節使附  
此官定之  
初明正其罪高  
反側亦示警所  
謂名正義順而  
德宗乃欲因勢  
脇公近於絕請  
即陸贄欲羈拔  
官職亦夫之奈  
許豈當時勢有  
不得不然者乎

詔以梁州為興元府

上問陸贄今至鳳翔諸軍甚盛因此遣人代李楚琳何如贄上

奏曰如此則事同脇執以言乎除亂則不武以言乎務理則不誠用是時巡後將安入議者或謂之權臣竊未喻其理夫權之為義取類權衡今輦路所經首行脇奪易一帥而虧萬乘之義得一方而結四海之疑乃是重其所輕而輕其所重謂之權也不亦反乎夫以反道為權以任數為智此古今所以多喪亂而長姦邪也不如俟奠枕京邑徵授一官彼將奔走不暇安暇復勞誅鉏哉

秋七月至鳳翔喬琳將鎮張光晟等伏誅

遣給事中孔巢父宣慰河中李懷光殺之

副元帥判官高郢勸李懷光歸款懷光遣其子瓘詣

巢父初使魏博  
不動聲色而凶

巢校者撫定一

方及三河中別

以與指夫宜備

事象喪其身豈

智于前而愚于

後邪

行在謝罪請束身歸朝詔孔巢父宣慰并其將士悉

復官爵巢父至河中懷光素服待罪巢父不之止懷

光左右多胡人皆歎曰太尉無官矣巢父又宣言于

衆曰軍中誰可代太尉領軍事者于是懷光左右發

怒殺巢父懷光不之止復治兵拒守

### 車駕還長安

渾瑊韓遊瓌戴休顏以其衆扈從李晟駱元光尚可

孤以其衆奉迎步騎十餘萬旌旗數十里晟謁見上

于三橋在長安縣西先賀平賊後謝收復之晚伏路左請

罪上駐馬慰撫為之掩涕令左右扶上馬至宮每聞

日以閱讀曰閱胡三省注唐世天子輒宴勲臣李晟為

之首渾瑊次之諸將相又次之

徵李泌為左散騎常侍

李泌為杭州刺史徵詣行在日直西省朝野皆屬目

上以河中為憂泌曰天下事甚有可憂者若惟河中  
不足憂也陛下已還宮關懷先不束身歸罪乃虐殺  
使臣鼠伏河中不日必為帳下所梟矣初上發吐蕃  
以討朱泚許以安西北庭之地與之及泚誅吐蕃來

求地上欲與之泌曰安西北庭人性驍悍控制西域  
五十七國及十姓突厥又分吐蕃之勢使不得并兵  
東侵奈何拱手與之且日者吐蕃觀望不進陰持兩  
端大掠而去何功之有衆議亦以為然上遂不與之  
八月顏真卿為李希烈所殺

李希烈聞希倩伏誅忿怒遣中使至蔡州殺顏真卿  
中使曰有勅真卿再拜中使曰今賜卿死真卿曰老  
臣無狀罪當死不知使者幾日發長安使者曰自大  
梁來真卿曰然則賊耳何謂勅邪遂縊殺之

事聞詔  
贈司徒

諡文  
忠



以李晟為鳳翔隴右節度等使進爵西平王

李晟以涇州倚邊屢害軍帥奏請往理不用命者力

田積粟以攘吐蕃遂以晟兼鳳翔隴右節度等使時

李楚琳入朝晟請與俱至鳳翔斬之以懲逆亂上以

新復京師務安反仄不許以楚琳為左金吾大將軍

晟至鳳翔討殺張鎰之罪斬裨將王斌等十餘人尋

詣涇州誅田希鑿

晟託言巡邊至涇州希鑿出迎晟與之並轡而入道舊結歡希鑿妻

李氏以叔父事晟晟謂之田郎希鑿不復疑晟伏甲而宴之引見諸將問姓名得前為亂者三十餘人數

其罪而斬之顧謂希鑿曰田郎亦不得無過引出益  
救之入其益諭以誅希鑿之意眾股栗無敢動者

### 遣渾瑊等討李懷光軍于同州

上命渾瑊駱元光討懷光懷光遣其將徐庭光軍長

春宮

在同州府朝邑縣西北  
宋宇記後周武帝置

以拒之瑊等數戰不利

時度支用度不給議者多請赦懷光上不許

已而度支以懷

光所部將士同反不給冬衣上曰朔方軍累代忠義  
今為懷光所制耳將士何罪其別貯以俟道路稍通

即時  
給之

馬燧討李懷光取晉慈隰州

慈州唐置今山西  
吉州是餘注見前

以渾瑊

懷光叛是致乘輿播遷其惡與宋此等萬無可赦且彼時渾瑊馬燧共東師討軍營頗壯而滅寇日可期願請者一則以度支不給為慮再則以旱蝗糧匱為辭曲請寬貸味敵仇之義其言

本踰年而河中  
捷至德國者能

無叔頑

為河中節度使康日知為晉慈隰節度使

懷光遣將守晉慈隰三州馬燧遣人說下之詔以渾  
瑊鎮河中三州隸燧燧初以王武俊急攻康日知於  
趙州奏請詔武俊與李抱真同擊朱滔而以深趙與  
之改日知為晉慈隰節度使上從之日知未至而三  
州降燧上使燧兼領之燧表讓日知且言因降而授  
恐後有功者踵以為常上嘉而許之燧遣使迎日知

既至籍府庫而歸之

已而燧復  
取絳州

冬十月以竇文場王希遷

皆宦者

為監神策軍兵馬使

初魚朝恩既誅代宗不復使宦官典兵上即位悉以禁兵委白志貞志貞得罪上復以竇文場代之及還長安頗忌宿將握兵多者稍稍罷之以文場希遷分典禁旅

十一月李澄以鄭滑降李希烈奔蔡州劉洽遂克汴州李希烈遣其將翟崇暉圍陳州久之不克李澄知大梁兵少不能制滑州遂焚希烈所授旌節誓衆歸國

劉洽遣都虞候劉昌與隴右行營節度使曲環等將兵

救陳州擒崇暉進攻汴州希烈懼奔蔡州澄引兵趣

汴州希烈鄭州守將詣澄降汴州守將田懷珍開門

納洽軍

李勉累表請自貶詔罷都統平章事如故至長安素服待罪議者多以勉失守不應尚為

相李泌言于上曰李勉公忠雅正而用兵非其所長然劉洽出勉麾下勉悉衆以授之卒平大梁亦勉之

功也上乃命勉復位

十二月加韓滉同平章事

議者或言滉聚兵修城陰蓄異志上疑之以問李泌

剛時藩鎮中惟  
化俗秉忠純初  
小嘗藉尚異志  
以不附權貴  
此誇文騰德宗  
一疑可謂不辨  
白使非必力  
中款心跡幾  
以自明迨江  
公魏遂既通關  
賴以充贖則  
之言洵有裨  
國計非且全  
身家而已

對曰澁公忠清儉貢獻不絕鎮撫江東盜賊不起所

以修城為迎扈之備耳此乃人臣忠篤之慮奈何更

以為罪乎澁性剛嚴不附權貴故多謗毀臣敢保其

無他上曰外議洵洵卿弗聞乎對曰臣固聞之其子

臯

字仲文

為郎不敢歸省正以謗語沸騰故也退遂上

章請以百口保澁他日又言于上曰臣之上章非私

于澁乃為朝廷計也今天下旱蝗關中斗米千錢倉

廩耗竭而江東豐稔願陛下早下臣章以解朝衆之

惑面諭韓臯使之歸覲令滉速運糧儲此朝廷之大計也上即下泌章令臯歸覲面諭之曰卿父比有謗

言朕不復信關中乏糧宜速致之臯至滉感悅即日

發米百萬斛聽臯留五日即還朝自送至江上冒風

濤而遣之陳少遊聞之即貢米二十萬斛會少遊死

劉洽得李希烈起居注云某月日陳少遊上表歸順少遊聞之慙懼發疾死大將王韶欲

自為留後韓滉遣使謂之曰汝敢為亂吾即日全軍渡江誅汝矣韶懼而止上聞之喜謂李泌曰滉不惟

安江東又能安淮南真大臣之器卿可謂知人遂加  
浼平章事江淮轉運使浼入貢無虛月朝廷賴之使  
者勞問相繼恩遇始深矣

是歲蝗大饑

元貞元年春正月以盧杞為澧州別駕

盧杞遇赦移吉州

唐置今江西吉安府是

長史謂人曰吾必再

入未幾上果欲用為饒州

注見前

刺史給事中袁高

字公

頤起已孫應草制執以白盧翰

義禧七世孫

劉從一

林甫元孫二人皆同



平章事 曰盧杞作相致鑿輿播遷海內瘡痍奈何遽遷

大郡願相公執奏翰等不從更命他舍人草制制出高執之不下且奏杞極惡窮凶何可復用上不聽補

闕陳京趙需等上疏曰杞三年擅權百揆失敘天地

所知華夷同棄倘加巨姦之寵必失百姓之心袁高

復于正牙

唐謂大明宮含元殿為正牙亦謂之南牙

論奏上曰杞已再更

赦高曰赦者止原其罪不可為刺史陳京等亦爭之

曰杞之執政百官常如兵在其頸今復用之則姦黨

德宗為杞所愚  
不能察其真狀  
竇詛未久輒滅  
歸漢去高口爭  
斃臨不測雖以  
潼京堅執猶欲  
謂得於大小州  
之間可謂惑之  
甚矣

皆唾手而起上大怒諫者稍引卻京顧曰需等勿退

此國大事當以死爭之上怒稍解謂宰相與杞小州

李勉曰陛下欲與之雖大州亦可其如天下失望何

乃以杞為澧州別駕上謂李泌曰朕已可袁高所奏

泌曰累日外人竊議比陛下于桓靈今承德音乃堯

舜之不逮也上悅

杞竟死  
于澧州

三月馬燧敗李懷光兵于陶城

在蒲州府永濟縣北寰  
宇記舜陶河濱即此

夏四月燧及渾瑊又破懷光兵于長春宮

注見  
前

馬燧軍寶鼎

本漢汾陰縣唐更名宋改曰滎河今屬蒲州府

敗懷光兵于陶

城斬首萬餘級分兵會渾瑊逼河中破懷光兵于長

春宮南遂圍宮城懷光諸將相繼來降韓遊瓌請兵

于渾瑊共取朝邑

注見前

懷光將閻晏欲爭之士卒指

邠軍曰彼非吾父兄則吾子弟奈何以白刃相向乎

語甚囂晏遽引兵去懷光知衆心不從乃詐稱欲歸

國聚貨財飾車馬云俟路通入貢由是得復踰旬月

時連年旱蝗資糧匱竭言事者多請赦懷光李晟上言赦懷光有五不可河中距長安纔三百里同州當

其衝多兵則未為示信少兵則不足隄防忽驚東偏  
何以制之一也今赦懷先必以晉絳慈隰還之渾瑊  
既無所詣康日知又應遷移土宇不安何以獎勵二  
也陛下連兵一年討除小醜兵力未窮遽赦其罪今  
西有吐蕃北有回紇南有淮西觀我強弱必起窺覷  
三也懷先既赦則朔方將士皆應敘勲行賞今府庫  
方虛賞不滿望是愈激之使叛四也既解河中罷諸  
道兵賞典不舉怨言必起五也今河中斗米五百芻  
藁且盡陛下但勅諸道圍守旬時彼必有內潰之變  
何必養腹心之疾為他日之悔哉會馬燧入朝奏曰  
懷先凶逆尤甚赦之無以令天下願  
更得一月糧必為陛下平之上許之

以曹王臯為荆南節度使淮西將李思登以隨州降之  
六月以韋臯為西川節度使

朱滔死以劉怦為幽州節度使

滔為王武俊所攻殆不能軍上表待罪遂病死將士

奉劉怦知軍事詔以怦為幽州盧龍節度使

是秋怦卒以其

子濟知節度事

秋七月陝虢軍亂殺其節度使張勸詔以李泌為都防

禦轉運使

陝虢兵馬使達奚抱暉鳩殺節度使張勸代總軍務

邀求旌節且陰召李懷光將達奚小俊為援上謂李

泌以軍賜深入危地非苟且嘗謀之計益知抱暉特一庸妄人其志僅圖注節耳急之則叛人匪擾且將助而為援惟且啖以

所欲而潛攝其  
將生之心然後  
一言遂之其勢  
易如發蒙振槁  
可謂能斷大事  
者

泌曰若蒲陝連衡則猝不可制而水陸之運皆絕矣  
不得不煩卿一往乃以泌為都防禦水陸運使欲以  
神策軍送之泌曰陝城三面懸絕攻之未可以歲月  
下也臣請以單騎入之且今河東全軍屯安邑馬燧  
入朝願勅燧與臣同辭偕行使陝人知之亦一勢也  
上曰雖然朕方大用卿寧失陝州不可失卿當更使  
他人往耳對曰他人猶豫遷延必不能入上乃許之  
泌見陝州將吏在長安者語之曰主上以陝號饑故

不授泌節而領運使欲令督江淮未以賑之今當使  
抱暉將行營有功則賜旌節矣抱暉聞之稍自安泌  
與馬燧疾驅而前將佐不俟抱暉之命來迎泌笑曰  
吾事濟矣去城十五里抱暉亦出謁泌慰撫之抱暉  
喜泌視事實佐有請屏人白事者泌曰易帥之際軍  
中煩言乃其常理泌到自安貼矣不願聞也由是反  
仄者皆自安泌但索簿書治糧儲明日召抱暉語之  
曰吾非愛汝而不誅恐自今有危疑之地朝廷所命

將帥皆不能入故旬汝餘生汝為我齋版幣祭前使  
慎無入關自擇安處潛來取家保無他也抱暉遂亡  
命不知所之達奚小俊聞沁已入陝而還

大旱

灞澇將竭長安井皆無水度支奏中外經費纔支七  
旬詔浮費冗食皆罷之

八月馬燧平河中李懷光縊死

馬燧與諸將謀曰長春宮不下則懷光不可得然其



守備甚嚴攻之曠日持久我當身往諭之遂徑造城  
下呼其守將徐庭光庭光帥將士羅拜城上燧知其  
心屈徐謂之曰我自朝廷來可西向受命庭光等復  
西向拜燧曰汝曹徇國立功四十餘年何忽為滅族  
之計從吾言非止免禍富貴可圖也衆不對燧披襟  
曰汝不信吾言何不射我將士皆伏泣燧曰此皆懷  
先所為汝曹無罪第堅守勿出皆曰諾燧等遂進逼  
河中懷先舉火諸營不應駱元光在長春宮下使人

招庭光庭光罵辱之元光使白燧燧還乃開門降燧

以數騎入城慰撫之其衆大呼曰吾輩復為王人矣

渾瑊謂僚佐曰始吾謂馬公用兵不吾逮也今乃知

吾不逮多矣燧帥諸軍至河西

唐縣屬河中府後廢

河中軍士

皆相驚曰西城環甲矣又曰東城疑

音捉整也

隊矣

唐河中府

夾河為兩城西城即河西縣東城即河東縣河中府所治

須臾軍士皆易其號為

太平字懷光不知所為乃縊而死朔方將牛名俊斬

懷光首出降燧斬閻晏等七人餘皆不問

先是懷光都虞候呂

鳴岳密通款于馬燧事泄懷光殺之事連暮僚高郢李鄜懷光責之郢鄜抗言逆順無所慙隱懷光囚之

至是燧皆出之于獄奏置幕燧自辭行至是凡二十下李鄜字建侯邕之孫

七日駱元光以徐庭光辱已殺之入見馬燧頓首請罪燧大怒曰庭光已降公輒殺之是無統帥也欲斬之韓遊瓌曰元光殺裨將公猶如此公殺節度使天子其謂何燧乃捨之渾瑊盡得李懷光之衆朔方軍

自是分居邠蒲矣初懷光之解奉天圍也上以其子

燧為監察御史及懷光屯咸陽不進燧密言于上曰臣父必負陛下願早為之備臣聞君父一也但今日陛下未能誅臣父而臣父足以危

半璫不從父逆  
半亦間與自疑  
忘臣子不幸之  
道龍委曲以明

忘其視楚樹士  
業疾為尤替使  
雖而有子貸之  
可也奈何忘懷  
先之逆而謂念  
其功乎

陛下故不忍不言上驚曰卿大臣愛子當為朕委曲  
彌縫之對曰臣父非不愛臣臣非不愛其父與宗族  
也顧臣力竭不能迴耳上曰然則卿以何策自免對  
曰臣父敗則臣與之俱死復有何策哉使臣賣父求  
生陛下亦安用之及李泌赴陝上謂之曰朕所以欲  
全懷光誠惜瓘也卿至陝試為朕招之對曰陛下未  
幸梁洋懷光猶可降也今雖請降臣不敢受况招之  
乎瓘固賢者必與父俱死矣若其不死則亦無足貴  
也及懷光死瓘亦自殺上以懷光  
嘗有功宥其一男歸其尸使收葬

### 加馬燧兼侍中

### 罷討淮西兵

上問陸贄今復有何事宜區處者贄以河中既平慮

希旨生事之人請乘勝討淮西則四方負罪者自疑  
河朔青齊固當響應建中之憂行將復起乃上奏言

之畧曰陛下悔過降號聞者涕泣故諸將效死叛夫請罪逆泚懷先相繼梟殄曩以百萬之師而力殫

今以德而不任兵明矣羣帥之悼臣禮拒天誅圖活而  
不圖王又明矣蓋好生以及物者乃自生之方施安  
以及物者乃自安之術若擠彼于死地而求此之久  
生措彼于危地而求此之久安從古及今未之有也  
今叛帥革面復修臣禮然其深言密議固亦未盡坦  
然必當聚心而謀傾耳而聽觀陛下所行之事考陛  
下所誓之言若言與事符則遷善之心漸固倘事與  
言背則慮禍之態復興所宜布恤人之惠以濟威乘  
滅賊之威以行惠臣所未敢保者惟希烈耳想其私

心非不追悔但以猖狂失計已竊大名雖荷陛下全宥之恩然不能不自覩于天地之間耳縱未順命斯為獨夫內則無辭以起兵外則無類以求助陛下但勅諸郡各守封疆彼既氣奪莫窮是乃狴牢之類不有人禍則當鬼誅古所謂不戰而屈人之兵者斯之謂歟上從誓言詔諸道與淮西連接者非彼侵軼不須進討李希烈若降當待以不死自餘一無所問

以張延賞為左僕射

初李晟戍成都取其營妓以還西川節度使張延賞怒追而返之晟遂與延賞有隙至是上召延賞入相

延賞陰和原不可相然晟為大將不宜取妓又以私憾釀成變端則取禍不得謂無因自不特

尚結好之文問  
耳

晟表陳其過惡上重違其意以延賞為左僕射

丙寅二年春正月以劉滋

字公茂  
知幾孫

崔造

字元宰  
安平人

齊映同平

章事

造少與韓會盧車美張正則為友以王佐自許時人  
謂之四變上以造敢言故不次用之滋映多讓事于  
造造久在江外疾錢穀諸使用上之弊奏罷水陸度  
支轉運等使諸道租賦悉委觀察使刺史遣官送京  
師令宰相分判六曹

映判兵部李勉判刑部  
造與判吏禮部造判戶工部

造與

戶部侍郎元琇善使判諸道鹽鐵榷酒韓滉奏論其

過失罷之

諸使之職行之已久中外安之造既改法事多不集及元琇失職造憂懼成疾不視

事既而江淮運米大至上嘉韓滉功以滉兼度支轉運等使造所條奏皆改之造亦尋罷

二月李泌開運道成

泌自集津

倉名在三門東

至三門鑿山開運道十八里以避

底柱之險是月道成

關中倉廩竭禁軍或自脫中呼于道曰拘吾于軍而不給糧吾

罪人也上憂之甚會韓滉運米三萬斛至陝李泌即奏之上喜謂太子曰吾父子得生矣時禁中不釀命于坊市取酒為樂又遣中使諭神策六軍軍士皆呼萬歲時比歲饑饉兵民率皆黑瘦及麥熟市有醉者



人以為瑞然人乍飽食死者甚衆數月人膚色乃復故

夏四月淮西將陳僊竒殺李希烈以降以僊竒為節度使

希烈別將寇襄鄭州樊澤李澄擊破之希烈兵勢日蹙會有疾僊竒使醫毒殺之因屠其家舉衆來降詔以為淮西節度使

秋七月陳僊竒為其將吳少誠所殺以少誠為留後少誠素狡險為李希烈所寵任故為之報仇

以曲環為陳許節度使

陳許荒亂之餘戶口流散環以勤儉率下政令寬簡  
賦役平均數年間流亡復業兵食皆足

八月吐蕃入寇使渾瑊駱元光屯咸陽

九月置十六衛

注見前

上將軍

初上與李泌議復府兵泌言府兵平日皆安居田畝  
每府有折衝領之農隙教戰有事徵發則以符契下  
州府參驗發之至所期處將帥按閱有不精者罪其

折衝甚者罪及刺史軍還則賜勲加賞行者近不踰

時遠不經歲高宗以劉仁軌為洮河鎮守使以圖吐

蕃于是始有久戍之役又牛僂客以積財得宰相邊

將效之誘戍卒使以所齎繒帛寄于府庫而苦役之

利其死而沒入其財故戍卒還者什無二三然未嘗

有內叛外侮者誠以顧戀田園恐累宗族故也自開

元之末張說始募長征兵兵不土著不自重惜忘身

徇利禍亂遂生曷使府兵之法不廢安有如此下陵

上替之患哉上以為然因有是命然卒亦不能復也

以賈耽為義成

貞元元年置義成軍治滑州

節度使

義成節度使李澄卒其子克寧秘不發喪殺行軍司

馬墨纒視事增兵城門劉元佐

即劉洽前以克汴州賜名出師境

上使人告諭之克寧乃不敢襲位詔以賈耽鎮鄭滑  
克寧悉取軍資夜出軍士剽之殆盡

京城戒嚴

吐蕃遊騎及好時

此唐所置好時縣也故城在京城今乾州西漢故縣在州東南

戒嚴民間傳言上復欲出幸齊映見上言曰外間皆  
言陛下已理裝具糧人情恟懼夫大福不再陛下奈  
何不與臣等熟計之因伏地流涕上亦為之動容

李晟遣兵擊吐蕃于汧城

即臨汧城唐書地理志汧陽有臨汧城汧陽縣今屬鳳翔

府敗之

李晟遣其將王佖將驍勇三千伏于汧城戒之曰虜  
過城下勿擊其首俟見五方旗虎豹衣乃其中軍也  
出其不意擊之必大捷佖用其言尚結贊敗走僅而

獲免謂其人曰唐之良將李晟馬燧渾瑊而已當以計去之入鳳翔境禁虜掠以兵直抵城下曰李令公

召我來何不出犒我經宿而退

是冬晟遣蕃落使野詩良輔與王伉襲吐

蕃摧沙堡遇吐蕃與戰破之乘勝至堡下攻拔之斬其將焚其蕃積而還尚結贊引兵自寧慶北去韓遊瓌遣將追之虜棄所掠而去尋寇鹽夏等州皆陷之野詩蕃姓良輔其名鹽夏州注俱見前

冬十一月韓滉劉元佐曲環俱入朝

劉元佐在汴習鄰道故事久未入朝韓滉過汴相與約為兄弟請拜其母其母喜為置酒酒半滉曰弟何

時入朝元佐曰久欲入朝力未能辦耳滉曰滉力可

及弟宜早入朝文母

父行為丈人行故呼其母為丈母

垂白不可使

帥諸婦女往填宮也

凡叛者家屬皆沒入掖庭故云

母悲泣不自勝

滉乃遺元佐錢二十萬緡備行裝滉留大梁三日大

出金帛賞勞一軍為之傾動元佐驚服遂與曲環俱

入朝

十二月李晟入朝

上忌李晟功名會吐蕃有離間之言張延賞等騰諂

德宗不直斥延賞之奸而諭以飲酒擇惡固已不綱至晟揣知德宗注意延賞而藉此周旋遂薦為相亦為非

于朝無所不至晟聞之晝夜泣目為之腫悉遣其子弟詣長安表請為僧不許入朝稱疾懇辭方鎮亦不許韓滉素與晟善上命滉諭旨使與延賞釋怨引延賞詣晟第謝因飲盡歡晟表薦延賞為相

卯丁三年春正月以張延賞同平章事

李晟為其子請婚于延賞不許晟謂人曰武夫性快釋怨于杯酒間則不復貯胸中矣非如文士難犯外雖解和內蓄憾如故吾得無懼哉



雲南王異牟尋請內附

初雲南王閣羅鳳陷嵩州獲西瀘

唐縣故城在今四川寧遠府西昌縣

令鄭回

相州人

回通經術閣羅鳳愛重之其子及孫異

牟尋皆師事之及異牟尋為王以回為相號清平官

雲南有衆數十萬吐蕃每入寇常以為前鋒賦斂重  
數又奪其險要地立城堡歲徵兵助防雲南苦之回

說異牟尋自歸于唐曰中國尚禮義有惠澤無賦役  
異牟尋以為然會西川節度使韋臯招撫羣蠻異牟

尋潛遣人因諸蠻求內附臯奏宜招納之以離吐蕃  
之黨分其勢上命臯先作邊將書以諭之微觀其趣

貶齊映為夔州

注見前

刺史

張延賞與齊映有隙映在諸相中頗稱敢言上浸不  
悅延賞因言映非宰相器貶之

劉滋罷以柳渾

字夷曠一字惟深襄州人

同平章事

韓滉性苛暴方為上所任言無不從他相充位而已  
百官羣吏救過不贍渾雖為滉所引薦正色讓之曰

先相公謂韓休以褊察為相不滿歲而罷今公又甚焉

奈何榜吏于省中至有死者且作福作威豈人臣所宜愧為之少霽威嚴

二月鎮海節度使同平章事韓滉卒

滉強力嚴毅自奉儉素衣裘十年乃易及是病卒久滉

在二浙所辟僚佐各隨其長無不得人常有故人子謁之滉考其能一無所長然與之宴竟席未嘗左右視因使監庫門其人終日危坐吏卒無敢妄出入者

以白志貞為浙西觀察使是年始分置浙江東西二道各置觀察使浙西治潤州浙

東治  
越州

上以白志貞為浙西觀察使柳渾曰志貞儉人不可  
復用會渾疾不視事詔下用之渾病間遂乞骸骨不  
許

三月以李晟為太尉

初吐蕃尚結贊得鹽夏州各留兵戍之退屯鳴沙

隋縣

故城在今寧夏府中衛縣宋白曰人馬行沙上有聲異于餘沙故名羊馬多死糧運不

繼又聞李晟克摧沙堡渾瑊馬燧各舉兵臨之大懼

屢遣使求和上未之許乃卑辭厚禮求和于馬燧燧  
信其言為之請于朝李晟曰戎狄無信不如擊之韓  
滉曰今兩河無虞若城原鄆洮渭使晟及劉元佐等  
守之河湟二十餘州可復也上欲從之會滉卒張延  
賞與晟有隙數言和親使上亦素恨回紇欲與吐蕃  
擊之遂從燧延賞計延賞又言晟不宜久典兵上乃  
謂晟曰朕以百姓之故與吐蕃和親決矣大臣既與  
吐蕃有怨宜留輔朕自擇代者晟薦都虞候邢君牙

瀛州樂壽人

遂以君牙為鳳翔尹加晟太尉罷鎮

晟在鳳翔嘗謂

僚佐曰魏徵好直諫吾竊慕之行軍司馬李叔度曰此儒者事非勲德所宜也晟斂容曰司馬失言矣晟任兼將相知朝廷得失而不言何以為臣哉叔度慙而退及在朝廷上有所顧問極言無隱而性沈密未嘗泄于人

夏五月以渾瑊為會盟使

先是遣右庶子崔澣使吐蕃澣見尚結贊責以負約尚結贊曰破朱泚未獲賞是以來耳今明公欲修舊好固所願也然渾瑊信厚聞于異域請必使之主

盟及是澣還遂遣瑊與吐蕃盟于清水瑊將二萬餘

人赴盟所尚結贊請盟于土梨樹

堡名在今平涼府鎮原縣東

或

言土梨樹多險阻不如平涼乃許盟于平涼

初韓滉薦劉元

佐可使將兵復河湟元佐亦贊成之至是元佐奏言吐蕃方強未可與爭張延賞奏以河湟事委李抱真抱真亦回辭由延賞罷李晟兵柄故武臣皆憤怒解體不肯為用故也

### 閏月省州縣官

省州縣官收其祿以給戰士張延賞之謀也時新除

官千五百人而當減者千餘人嗟怨盈路

既而以李泌言詔所

減官並  
復故

以曹王臯為山南東道節度使

吳少誠繕兵完城欲拒朝命判官鄭常大將楊冀謀  
逐之事泄少誠殺之上以襄鄧扼淮西衝要以臯為

節度使以襄鄧復郢安隨唐七州

復州後周置今安陸府沔陽州是唐

州唐置今南陽府唐  
縣是餘注俱見前隸之

渾瑊與吐蕃盟于平涼吐蕃刦盟

渾瑊之發長安也李晟深戒之以盟所為備不可不



嚴張延賞言于上曰晟不欲盟好之成故戒瑊以嚴

備我有疑彼之形則彼亦疑我矣盟何由成上乃召

瑊切戒以推誠待虜勿為猜疑瑊奏吐蕃決以辛未

盟延賞集百官稱詔示之曰李太尉謂和好必不成

今盟日定矣晟聞之泣曰吾生長西陲備諳虜情所

以論奏但恥朝廷為犬戎所侮耳上始命駱元光屯

潘原

注見前

韓遊瓌屯洛口

即水洛口在平涼府靜寧州南瓦亭川東北

以

為瑊援元光謂瑊曰潘原距盟所且七十里公有急

李晟延賞必不成自是待之固應延賞之論由私意橫結非

直有定議也德宗既命兵為備元光復請說代應援不得謂不宣子防志城故名將于此亦當畧有成心何以虜突由而不悟軍被擒而不知幸得他馬疾馳僅以身免亦太疎矣

何從知之請與公俱城以詔指固止之元光不從與

城連營相次距盟所三十餘里元光伏兵于營西遊

壞亦遣五百騎伏于其側曰若有變則汝曹西趣柏

泉

當作百泉隋縣故城在今平涼府平涼縣

以分其勢將盟高結贊請各

以甲士列壇東西又請各遣遊騎數十更相覘索城

皆許之吐蕃伏精騎數萬于壇西遊騎貫穿唐軍出

入無禁唐騎入虜軍悉為所擒城等皆不知入幕易

禮服虜伐鼓三聲大譟而至城自幕後出偶得他馬

乘之伏鬣入其銜散馬不銜伏身鬣上而入之馳十里銜方及馬

口虜縱兵追擊唐將卒死者數百人副使崔漢衡被

擒城至其營將卒已遁元光發伏成陳以待之虜騎

乃還是日上視朝謂諸相曰今日和我息兵社稷之

福柳渾曰戎狄豺狼也非盟誓可結今日之事臣竊

憂之李晟曰誠如渾言上變色曰柳渾書生不知邊

計大臣亦為此言邪皆頓首謝是夕韓遊瓌表言虜

劫盟壇兵臨近鎮上大驚謂渾曰卿書生乃能料敵

如此其審邪上欲出幸大臣諫而止

既而上遣中使齋詔遣尚結贊

不納而還

六月以馬燧為司徒兼侍中

初吐蕃尚結贊惡李晟馬燧渾瑊曰去三人則唐可圖也于是離間李晟因馬燧以求和欲執渾瑊以賣燧使并獲罪因縱兵直犯長安會失渾瑊而止獲馬燧之姪奔謂曰胡以馬為命吾在河曲春草未生馬不能舉足當是時侍中度河掩之吾全軍覆沒矣今

蒙侍中力全軍得歸奈何拘其子孫遺奔與宦官俱  
文珍等歸上聞尚結贊之言由是惡燧罷其副元帥  
節度使以為司徒侍中張延賞慙懼謝病

以李泌同平章事

泌初視事與李晟等俱入見上謂泌曰朕欲與卿有  
約卿慎勿報讐有恩者朕當為卿報之對曰臣素奉  
道不與人為讐李輔國元載皆害臣者今自斃矣素  
所善者率已顯達或多零落臣無可報也臣今日亦

願陛下為約焉可乎上曰何不可泌曰願陛下勿害

功臣李晟馬燧有大功于國聞有讒之者陛下萬一

害之則宿衛之士方鎮之臣無不憤怨反仄恐中外

之變復生也陛下誠不以二臣功大而忌之二臣不

以位高而自疑則天下永無事矣上以為然晟燧皆

起泣謝上因謂泌曰自今凡軍旅糧儲事卿主之吏

禮委延賞刑法委渾泌曰陛下不以臣不才使待罪

宰相宰相之職天下之事咸共平章不可分也若各

有所主是乃有司非宰相矣上笑曰朕適失辭卿言是也

秋七月以李昇為詹事

初上入駱谷衛士多亡李叔明

字晉卿閬州新政人本鮮于仲通之弟表

請宗姓

之子昇及郭曙

子儀之子

令狐建

彰之子

等恐有姦人

危乘輿相與齧臂為盟更鞚上馬以至梁州及還長安上皆以為禁衛將軍寵遇甚厚張延賞故與叔明

有隙知昇私出入部國大長公主

肅宗女蕭升妻

第密以白

上上使李泌察之泌曰此必有欲動搖東宮者其延賞乎上曰何以知之泌具為上言二人之隙且言昇承恩顧延賞無以中傷而郅主乃太子妃之母也故欲以此陷之耳上笑曰是也泌因請罷昇宿衛以遠

嫌從之

是月張延賞卒

以韓潭為夏綏銀

三州皆唐置夏注見前綏今陝西綏德州是銀今綏德州米脂縣是節

度使

吐蕃之戍鹽夏者饋運不繼人多病疫思歸尚結贊



遣三千騎逆之悉焚其廬舍毀其城驅其民而去于  
是割振武之綏銀二州以潭為節度使帥神策軍之  
士五千朔方河東之士三千鎮夏州

以元友直為諸道句音鈎勸兩稅錢帛使

時防秋兵大集國用不充李泌奏自變兩稅法以來

藩鎮州縣聚斂權率謂權利而率其數以為軍資自懼違法

匿不敢言請赦其罪促令革正自非于法應留使留

應本道諸留州留以給本州經用之外悉輸京師其官典逋  
使徵調

負可徵者徵之難徵者釋之敢有淪沒者罪之上喜  
曰卿策甚長然立法太寬恐所得無幾對曰寬則人  
喜于免罪而樂輸所得必多而速急則競為蔽匿非  
推鞠不能得其實財不足以濟今日之急而皆入于  
姦吏所得必少而遲矣上曰善乃以友直充使  
友直  
旬簡  
諸道稅外物悉輸戶部遂為定制歲輸百餘萬緡民  
不堪命後諸道多自訴于上上意悟乃詔已在官者  
輸京師未入者悉以與民以後  
悉免于東南之民復安其業

停西域使者廩給分隸神策軍

初河隴既沒于吐蕃安西北庭及西域使人在長安者歸路阻險皆仰給于度支李泌知胡客皆有妻子買田宅安居不欲歸命停其給凡四千人皆詣政府訴之泌曰此皆從來宰相之過豈有外國使者留京師數十年不聽歸乎今當假道回紇各遣歸國不願者當于鴻臚自陳授以職位給俸祿人生當乘時展用豈可終身客死乎于是胡客無一人願歸者泌皆分隸神策兩軍禁旅益壯歲省五十萬緡

募戍卒屯田京師

上復問泌以復府兵之策對曰國家比遭饑亂經費不充未暇議復府兵也上曰然則亟減戍卒歸之如何對曰陛下誠用臣言可不減戍卒不擾百姓糧食皆足府兵亦成上曰果能如是為何為不用對曰此須急為之過旬日則不及矣上問其計泌曰吐蕃久居原蘭

原州注見前蘭州唐置今甘肅蘭州府是

之間以牛運糧糧盡牛無

所用請發左藏惡繒染為綵纈因党項以市之計十

八萬匹可致六萬餘頭命諸冶鑄農器糴麥種分賜  
緣邊軍鎮募戍卒耕荒田而種之約麥熟倍償其種  
其餘據時價五分增一官為糴之來春種禾亦如之  
沃土久荒所收必厚戍卒獲利耕者浸多糴價必賤  
名為增之而實比今歲所減多矣且邊地官多闕請  
募人入粟以補之可足今歲之糧上皆從之因問曰  
卿言府兵亦集如何對曰舊制成卒五年而代今既  
因田致富必不思歸及其將滿下令有願留者即以

所開田為永業家人願來者本貫續食遣之不過數  
番則戍卒皆土著乃悉以府兵之法理之是變關中  
之疲弊為富強也上喜曰如此天下無復事矣泌曰  
未也臣能不用中國之兵使吐蕃自困上曰計將安  
出對曰臣未敢言之俟麥禾有效然後可議也泌意  
欲結回紇大食雲南與共圖吐蕃知上素恨回紇恐  
聞之不悅并屯田之議不行故不肯言既而戍卒應  
募願耕屯田者什有五六

八月辛巳朔日食

柳渾罷為左散騎常侍

初渾與張延賞議事數異同延賞使人謂曰相公節  
言則重位可久矣渾曰為吾謝張公柳渾頭可斷舌  
不可禁由是交惡上好文雅緼藉而渾質直無威儀  
時發俚語上不悅罷之

幽部國大長公主流李昇於嶺南

公主女為太子妃恩禮甚厚宗戚皆疾之主素不謹

沈寔骨肉之間  
委曲調護始終  
不渝真不愧大  
臣用心者明代  
國本一宗朝士  
洵洵徒成惡套  
是知以口舌爭  
名而於謀國之  
我固未為於心  
耳

李昇等數出入其第或告主淫亂且為厭禱上大怒

幽之禁中流昇等嶺表切責太子太子懼請與妃離

昏

上召李泌告之且曰舒王近已長立孝友溫仁泌曰陛下惟有二子奈何廢之而立姪且陛下所生

之子而疑之何有于姪舒王雖孝自今陛下宜努力勿復望其孝矣上曰卿不愛家族乎對曰臣惟愛家族故不敢不盡言若畏陛下盛怒而為曲從陛下明日悔之必尤臣云吾獨任汝為相不力諫使至此必復殺而于臣老矣餘年不足惜若冤殺臣子使臣以姪為嗣臣未知得款其祀乎因嗚咽流涕上亦泣曰事已如此奈何對曰此大事願陛下審圖之自古父子相疑未有不亡國者且陛下不記建寧之事乎上曰建寧叔實寬肅宗性急故耳泌曰臣昔為此故辭歸誓不近天子左右不幸今日復為陛下相又覩茲



事且其時先帝常懷畏懼臣臨辭日因誦黃臺瓜辭  
肅宗乃悔而泣上曰朕固知之意稍解乃曰貞觀開  
元皆易太子何故不亡對曰承乾謀反事覺太宗使  
其舅與朝臣數十人鞠之事狀顯白然當時言者猶  
云陛下不失為慈父使太子得終天年太宗從之并  
廢魏王泰且陛下既知肅宗急而建寧寃則願陛下  
深戒其失從容三日究其端緒必釋然知太子之無  
他矣若果有其迹願陛下如貞觀之法并廢舒王而  
立皇孫則百代之後有天下者猶陛下子孫也至于  
武惠妃譖太子瑛兄弟殺之海內寃憤乃百代所當  
戒此又可法乎且太子居少陽院未嘗接外人預外  
事安得有異謀彼譖人者巧詐百端雖有手書如晉  
愍懷衷甲如太子瑛猶未可信况但以妻母為累乎  
幸賴陛下語臣臣敢以宗族保太子卿使楊素許敬  
宗李林甫之徒承此旨已就舒王圖定策之功矣上  
曰此朕家事何預于卿而力爭如此對曰天子以四

海為家臣今獨任宰相之重四海之內一物失所責歸于臣况坐視太子寃橫而不言臣罪大矣上曰為卿遷延至明日思之泌抽笏叩頭而泣曰如此臣知陛下父子慈孝如初矣然陛下還宮嘗自審思勿露此意于左右露之則彼皆欲樹功于舒王太子危矣上曰具曉卿意泌歸太子遣人謝泌曰若心不可救欲先自仰藥如何泌曰必無此慮願太子起敬起存苟泌身不存則事不可知耳間一日上聞延英殿獨召泌流涕曰非卿切言朕今日悔無及矣太子仁孝實無他也自今軍國及朕家事皆當謀于卿矣泌拜賀因曰臣報國畢矣驚悸亡魂不可復用願乞骸骨上慰諭不許舒王名誼代宗次子鄭王邈之子帝受之取為己子

九月回紇求和親許之

回紇合骨咄祿可汗屢求和親上未之許會邊將告  
乏馬李泌言于上曰臣有愚策可使馬賤十倍上問

之對曰願陛下推至公之心屈己徇人為社稷計臣  
乃敢言上曰何故泌曰臣願陛下北和回紇南通雲

南西結大食天竺

注俱見前

如此則吐蕃自困馬亦易致

矣上曰三國當如卿言至于回紇則不可泌曰臣固  
知陛下如此所以不敢早言然今日之計回紇為先

三國差緩且陛下所以不可豈非以陝州之恥耶帝為

雍王時見回紇于陝州事具前

上曰然韋少華等以朕之故受辱而

死朕豈能忘之泌曰害少華者乃牟羽可汗後復入

寇為今可汗所殺然則今可汗乃有功于陛下又何

怨耶是後泌凡十五對反復論之

上終不許泌乃乞骸骨上曰朕不憚

屈己但不能負少華輩耳泌曰以臣觀之少華輩負陛下非陛下負之也上曰何故對曰昔葉護將兵動

國肅宗止令臣宴勞之亦不許至其營及大軍將發

先帝始與相見蓋戎狄豺狼不得不過為之防耳陛下

下在陝富于春秋少華輩不能深慮以萬乘元子徑

造其營又不先與之議相見之儀使彼得肆其桀驁

豈非少華輩負陛下邪且香積之捷葉護欲掠長安

先帝親拜于馬前以止之當時觀者十萬餘人皆嘆

息曰廣平王真華夷主也然則先帝所屈者少所伸者多矣况牟羽身為可汗舉國赴難當是之時臣不敢言其他若留陛下于營中歡飲十日天下豈得不寒心哉以此二事觀之則屈己為是乎不屈己為是乎上謂李晟馬燧曰朕素怨回紇今聞必言自覺少理卿以為如何皆對曰誠如必言必曰臣以為回紇不足怨向來宰相乃可怨耳回紇再復京城今可汗又殺牟羽復有何罪吐蕃幸國之災陷河隴數千里之地又入京城使先帝蒙塵于陝此乃百代必報之讐為可怨耳

上曰朕與回紇為

怨已久今往與之和得無復拒我為夷狄之笑乎對曰臣請以書與之約稱臣為陛下子每來不過二百人印馬不過千匹無得攜中國人及商胡出塞五者

皆能如約則主上必許和親如此威加北荒旁讐吐蕃足以快陛下平昔之心矣上從之既而回紇可汗遣使上表凡泌所約五事皆聽命上大喜謂泌曰回紇何畏服卿如此對曰此乃陛下威靈臣何力焉上因問招雲南大食天竺之計對曰回紇和則吐蕃已不敢輕犯塞矣雲南苦吐蕃賦役未嘗一日不思復為唐臣也大食在西域為最強與天竺皆久慕中國代與吐蕃為讐臣是以知其可招也遂遣回紇使者

歸許以公主妻之

吐蕃陷連雲堡

在平涼府涇州西三垂峭絕北據高所為涇西要地

先是吐蕃寇隴州連營數十里京城震駭虜大掠驅  
丁壯萬餘口而去至是復陷連雲堡涇西恃連雲堡  
為斥堠既陷西門不開門外皆為虜境樵采路絕常  
苦乏食已而吐蕃城故原州而屯之

冬十月李軌奴等作亂伏誅

妖僧李軌奴結殿前射生將韓欽緒等謀作亂其黨

告之上命捕送內侍省推之李晟聞之驚仆曰晟族滅矣李泌問其故晟曰晟新罹謗毀中外有家人千餘若有一人在其黨中則兄亦不能救矣泌乃密奏大獄一起所引必多聞人情恟懼請出付臺推上從之欽緒遊瓌之子也亡抵邠州械送京師與軟奴等皆腰斬而朝臣無連及者遊瓌以欽緒誅委軍入謝上遣還鎮

大稔詔和糴粟麥



人若視之則疾  
苦下膏若女子

病瘵呼吸相闕

德宗既和莊稅

誅求又如羅之

重為民累即當

速為改鑿以極

窮瘁悲苦乃僅

復尤言一衣而

於結與之毫不

檢察下幾如孟

火見牛未見羊

之訥也

自興元以來是歲最為豐稔

米斗直錢百五十粟八十

詔所在和

糴

上畋于新店入民趙光奇家問百姓樂乎對曰不樂上曰今歲頗稔何為不樂對曰詔令不信前云

兩稅之外悉無他徭今非稅而誅求者殆過于稅又云和糴而實強取之曾不識一錢始云所糴粟麥納于道次今則遺致京西行營動數百里車摧牛斃破產不能支愁苦如此何樂之有上命復其家

戊辰

四年春正月以劉昌為涇原節度使李元諒

即駱元光賜姓

名為隴右節度使

昌元諒皆帥卒力田數年軍食充羨涇隴稍安

二月以諸道稅外錢帛輸大盈庫

先是上謂李泌曰每歲諸道貢獻共直錢五十萬緡  
今歲僅得三十萬緡宮中用度殊不足泌曰古者天  
子不私求財今請供宮中錢百萬緡願陛下勿受貢  
獻及罷宣索必有所須降勅折稅所市之物準時  
價以稅錢折之不  
使姦吏因緣誅剝上從之及元友直運淮南錢帛二  
十萬至泌悉輸大盈庫然上猶數有宣索仍勅諸道  
勿令宰相知泌聞之惆悵而不敢言

詔韋白起廟贈兵部尚書

臨陣戰勝神助  
問必有之若后

民說稱見形則  
志矣以邊將却  
敵之功慶而歸  
之荒苟無憑之  
白起豈可為訓  
必請蓋社郵舊  
祠而止京師立  
廟雖為彼善二  
此然以秦將亡  
射予贈唐官而  
與三公較輕重  
則亦未為得也

咸陽人或上言見白起云請為國家扞禦西陸既而

吐蕃入寇邊將敗之上以為信然欲于京城立廟贈

司徒李泌曰今將帥立功而陛下褒賞白起臣恐邊

臣解體矣且立廟祈禱將長巫風今社郵注見前有舊

祠請勅葺之則不至驚人耳目矣且起列國之將贈

三公太重贈兵部尚書可也上從之

夏四月更命殿前射生曰神威軍

左右羽林龍武神武神策神威凡十軍

雲南遣使入貢

五月吐蕃寇涇邠寧慶廊州

先是吐蕃常以秋冬入寇及春多病疫而退至是得唐人質其妻子遣其將將之盛夏入寇諸州無敢與戰者吐蕃大掠而去

六月徵陽城

字元宗定州北平人徙夏縣

為諫議大夫

城以學行著聞隱居柳谷

在今解州夏縣東南集覽釋為張掖之柳谷口誤

李泌薦之

秋七月以張獻甫為邠寧節度使

先是韓遊瓌忌都虞候范希朝

字致君河  
中虞鄉人

得衆心將

殺之希朝奔鳳翔上召置神策軍至是遊瓌以病求

歸詔以張獻甫代之未至戍卒裴滿等帥衆作亂奏

請希朝為節度使都虞候楊朝晟

字叔明夏  
州朔方人

勒兵斬

之而迎獻甫上聞軍衆欲得希朝將授之希朝辭曰

臣畏遊瓌之禍而來今往代之非所以防窺覲安反

仄也上嘉之擢為寧州刺史以副獻甫

冬十月回紇來迎公主仍請改號回鶻

回紇可汗遣其妹及大臣妻來迎可敦辭禮甚恭曰  
昔為兄弟今為子壻半子也若吐蕃為患子當為父  
除之仍請改號回鶻許之乃冊合骨咄祿為回鶻長

壽天親可汗以咸安公主

帝之

妻之

明年冬天親可汗死立其子為

忠貞  
可汗

吐蕃寇西川韋臯遣兵拒擊破之

吐蕃發兵十萬將寇西川亦發雲南兵雲南內雖附

唐外未敢叛吐蕃亦發兵數萬屯瀘北

瀘水之北瀘水注見前

韋臯乃為書遺雲南王敘其歸化之誠轉致吐蕃吐

蕃始疑雲南遣兵屯會川

唐縣今四川寧遠府會理州是

以塞其趨

蜀之路雲南怒歸唐之志益堅而吐蕃兵始弱矣臯

遣兵拒擊破之于清溪關外

在今四川雅州府清溪縣南與寧遠府越嵩衛

接界其地連山帶谷天澗臨溪倚險接關恃為控禦

十一月以張建封為徐泗濠節度使

李泌言于上曰江淮漕運自淮入汴以甬橋

注見前

為

咽喉地屬徐州鄰于李納若納一旦復有異圖竊據  
徐州則失江淮矣請徙張建封鎮徐州割濠泗以隸  
之則淄青惕息而運路常通江淮安矣上從之建封為政  
寬厚而有綱紀不貸人以法其下畏而悅之

### 橫海節度使程日華卒

子懷直自知留後明年以懷直為滄州觀察使懷直請分

景城弓高為景州請除刺史上喜曰三十年無此事矣以徐伸為景州刺史景城注見前弓高漢故縣

在今河間府故城縣界唐故縣在今東光縣西景州唐高元移蓆縣明廢縣入州今州屬河間府



己五年春二月以董晉竇參

字時中  
四世孫

同平章事

李泌自陳衰老乞更除一相上曰朕深知卿勞苦但未得其人耳因從容論即位以來宰相曰盧杞忠清強介人言杞姦邪朕殊不覺泌曰此乃杞之所以為姦邪也倘陛下覺之豈有建中之亂乎杞以私隙殺楊炎擠顏真卿于死地激李懷光使叛賴陛下聖明竄逐之人心頓喜天亦悔禍不然亂何由弭上曰楊炎以童子視朕意以朕為不足與言以是朕不可忍

非由杞也建中之亂術士豫請城奉天此蓋天命非

杞所致也必曰天命他人皆可以言之惟君相不可

言君相所以造命也君言命則禮樂政刑皆無所用

矣紂曰我生不有命在天此商之所以亡也上因復

言盧杞小心朕所言無不從對曰夫言而莫予違此

孔子所謂一言喪邦者也上曰惟卿則異于彼朕言

當卿常有喜色不當常有憂色雖時有逆耳之言而

氣色和順無陵傲好勝之志直使朕中懷已盡而屈

必知盧杞之姦  
而不知竇參之  
不可用可謂見  
日而不見睫者  
且斯時朝臣之  
望矣盜陸贄何  
以不一齒及知  
人之明必猶難  
言之況其他哉

服不能不從此朕所以私喜于得卿也既而必薦竇  
參通敏可兼度支鹽鐵董晉方正可處門下上皆以  
為不可必疾甚復薦二人上遂相之參為人剛果峭  
刻無學術多權  
數每奏事諸相出參獨居後以奏度支事為辭實專  
大政多引親黨置要地使為耳目董晉充位而已然  
晉為人重慎所言于上前者未嘗泄于人子弟或問  
之晉曰欲知宰相能否視天下安危所謀議于上前  
者不足  
道也

三月中書侍郎同平章事鄴侯李泌卒

必有謀畧而好談神僊詭誕故為世所輕

庚午六年冬十月回鶻忠貞可汗為其下所殺

回鶻忠貞可汗之弟殺忠貞而自立國人殺之而立

忠貞之子阿啜為可汗遣其臣梅錄來告喪且求冊

命先是回鶻使者入中國禮容驕慢梅錄至豐州刺

史李景畧先據高坐梅錄俯俛前哭景畧撫之曰可

汗棄代助爾哀慕自是回鶻使至皆拜景畧于庭威

名聞塞外

明年春遣使冊河啜為奉誠可汗奉誠立五年而死無子其相骨咄祿有勇畧諸酋

長畏服之立為可汗遣使來告乃冊為懷信可汗

吐蕃陷安西

先是吐蕃寇北庭回鶻大相頡干迦斯將兵救之

北庭

地近回鶻又有沙陀六千餘帳與北庭相依

至是頡干迦斯與吐蕃戰不

利吐蕃急攻北庭北庭人與沙陀酋長皆降于吐蕃  
安西由是遂絕莫知存亡而西州猶為唐固守

拜七年春二月義武節度使張孝忠卒秋七月以其子

昇雲為留後

昇雲尋賜名茂昭授節度使

八月以陸贄為兵部侍郎解內職

竇參惡之也

吐蕃寇靈州回鶻擊敗之九月遣使來獻俘  
冬十二月以吳湊為陝虢觀察使

福建觀察使吳湊治有聲竇參以私憾毀之且言其  
病風上召至京師知參之誣由是始惡參以湊為陝  
虢觀察使代參黨李翼

八年春三月宣武節度使劉元佐卒

元佐卒將士擁其子士寧為留後劫監軍孟介請于

朝許之

元佐有成畧每李納便至元佐厚結之故常得其陰事先為之備納憚之其母雖貴日織

絹一匹謂元佐曰汝本寒微天子富貴汝至此必以死報之故元佐始終不失臣節

夏四月賜諫議大夫吳通元

海州人

死貶竇參為柳州

唐

今廣西柳州府是

別駕

竇參陰狡而慢恃權而貪每遷除多與族子給事中

申議之申招權受賂時人謂之喜鵲上頗聞之申恐

陸贄進用陰與諫議大夫吳通元作謗書以傾贄上

察知之貶參賜通元死

以趙憬字退翁隴西人陸贄同平章事

陸贄請令臺省長官各舉其屬著其名于詔書異日

考其殿最并以升黜舉者詔行之未幾而罷

或言于上曰諸

司所舉皆有情故不得實才上密諭贄自今除改卿宜自擇勿任諸司贄上奏曰國朝之制五品以上制勅命之蓋宰相商議奏可者也六品以下則旨授蓋吏部銓材署職詔旨畫聞而不可否者也開元中起居遺補御史等官猶並列于選曹其後倖臣專朝廢公舉行私惠使周行庶品苟不出時宰之意則莫致也今臣所奏宣行以來纔舉十數議其資望不愧班行考其行能未聞闕敝而議者遽以譙口上煩聖聰道之難行亦可知矣請使所言之人指陳其狀覈其虛實謬舉者必行其罰誣善者亦反其辜若不出主



名不加辯詰使杜直同貫則人何賴焉又宰相不過  
數人豈能遍諳多士理須展轉詢訪是則變公舉為  
私為情故必多且今日之宰相則往日之臺省長官  
今日之臺省長官乃將來之宰相豈有為長官之時  
則不能舉一二屬吏居宰相之位則可擇千百具僚  
物議悠悠其惑甚矣蓋尊者領其要卑者任其詳是  
以人主擇輔臣輔臣擇庶長庶長擇佐僚  
將務得人無易于此上竟追前詔不行

### 平盧節度使李納卒

軍中推其子師古為留後

秋七月以司農少卿裴延齡判度支事

陸贄請以李巽權判度支上許之既而復欲用延齡

贄言度支準平萬貨刻吝則生患寬假則容姦延齡  
誕妄小人用之恐傷聖鑒上不從

八月遣使宣撫諸道

時四十餘州大水

溺死三萬餘人

陸贄請遣使賑撫上曰聞

水連四十餘州  
溺人三萬餘計  
賑撫惟恐不逮  
猶慮或遺且竄  
慮澤莊時按驗  
可得姦欺亦何  
自而生此而尚  
欲屯營民因將  
誰恤乎沈德宗  
昔于朔方從逆  
之將士高談並  
給冬衣而此淮

所損殊少即議優恤恐生姦欺贄曰流俗之弊多徇  
諂諛揣所悅意則侈其言度所惡聞則小其事今遣  
使巡撫所費者財用所收者人心苟不失人何憂乏  
用上曰淮西貢賦既闕不必遣也贄曰昔秦晉讐敵

西羅思之火茶  
獨斷故之升斗  
前後自相刺謬  
亦已甚矣

穆公猶救其饑而况帝王懷柔萬邦惟德與義寧人

負我無我負人乃遣中書舍人奚陟

字殿卿  
京兆人

等宣撫

諸道

九月減江淮運米令京兆邊鎮和糴

從陸贄之請也

贄言于上曰邊儲不贍由措置失當  
蓄斂乖宜故也今戍卒不隸于守臣

守臣不總于元帥至有一城之將一旅之兵各降中  
使監臨皆承別詔委任每有寇至方從申覆比蒙徵  
發救援寇已獲勝罷歸此所謂措置失當者也頃設  
就軍和糴之法以省運制加倍之價以勸農此令初  
行人皆悅慕而有司競為纖嗇不時斂藏遂使豪家  
貪吏反操利權賤取于人以俟公私之乏度支物估

轉高軍城穀價轉貴空申簿帳仍指國倉計其數則億萬有餘考其實則百十不足此所謂蓄斂乖宜者也舊制關中歲運東方租米至有斗錢運斗米之言習聞見而不達時宜者則以為國之大事不計費損習近利而不防遠患者則以為但令畿內和糴既易集事又足勸農臣以為兩家之語互有長短將制國用須權重輕食不足而財有餘則弛財而務實倉廩食有餘而財不足則緩食而蓄用貨泉近歲閭輔屢豐公儲委積江淮水潦米貴加倍閩輔宜加價以糴而無錢江淮宜減價以糴而無米而運彼所乏蓋此有餘所謂習聞見而不達時宜矣今江淮斗米直百五十錢運至東渭橋餉直又約二百而市司估糴三十七錢耗其九而存其一餉彼人而傷此農制事若斯可謂深失頃者每年江淮運米百一十萬斛至河陰太原留七十萬斛而以四十萬斛輸東渭橋今二倉見米猶有三百二十餘萬斛京兆諸縣斗米不過

直錢七十請令來年江淮止運三十萬斛至河陰而  
河陰太原以次運至京師其江淮所停八十萬斛委  
轉運使每斗取八十錢于水災州縣糶之以救貧乏  
計得錢六十四萬緡減餼直六十九萬緡先令戶部  
以二十萬緡付京兆糶米以補渭橋之闕數斗用百  
錢以利農人以一百二萬六千緡付邊鎮使糶十萬  
人六年之糧餘十萬四千緡以充來年和糶之價其  
江淮米錢就直並委轉運使折市綾絹絕綿以輸上  
都備先貸戶部錢詔  
行其策邊備浸充

冬十一月壬子朔日食

十二月以柏良器

柏氏古柏國之後以國為氏

為右領軍

神策大將軍柏良器募才勇之士以易販鬻者監軍

竇文場惡之左遷右領軍自是宦官始專軍政矣

癸酉九年春正月初稅茶

爾雅檟苦茶郭璞注早採者為茶晚取者為茗一名荈蜀人謂

之苦茶魏了翁邛州茶記茶之始其字為茶如春秋書齊茶之類自陸德明等始轉入茶音至陸羽盧仝以後遂改茶字為茶

凡州縣產茶及茶山外要路皆估其直什稅一從鹽鐵使張滂之請也滂又奏稅錢別貯俟有水旱代民田稅自是歲收錢四十萬緡未嘗以救水旱也

二月城鹽州

初鹽州既陷塞外無復保障吐蕃常阻絕靈武侵擾  
廊坊詔發兵城鹽州又詔涇原山南劍南各發兵深  
入吐蕃以分其勢城之二旬而畢命節度使杜彥光  
戍之由是靈武銀夏河西獲安

三月貶竇參為驩州

注見前

司馬尋賜死

初竇參惡李巽出為常州刺史及參貶汴州節度使  
劉士寧遺參絹五十匹巽奏參交結藩鎮上大怒欲  
殺參陸贄曰劉晏之死罪不明白至使叛臣得以為

辭參之貪縱天下共知至于潛懷異圖事跡曖昧若  
遽加重辟駭動不細乃更貶參驩州司馬時宦官恨  
參尤深謗毀不已竟賜死于路竇申杖殺貨財奴婢  
悉傳送京師

夏五月以趙憬為門下侍郎與賈耽盧邁

字子元河南人同平

章事

先是上使人諭陸贄曰自今要重之事勿對趙憬陳  
論當密封手疏以聞又苗晉卿往年攝政

元宗崩肅宗疾甚詔



以晉卿  
攝冢宰

嘗有不臣之言諸子皆與古帝王同名

晉卿子發

五堅垂等與  
帝王同名

今不欲明行斥逐宜各除外官又卿清

慎太過諸道饋遺一皆拒絕恐事情不通鞭靴之類

受亦無傷贄以為不可上奏言之

畧曰昨臣所奏惟慢得聞陛下已至

勞神委曲防護是于心替之內尚有形迹之拘職同  
事殊鮮克以濟恐爽無私之德且傷不吝之名古者  
爵人于朝刑人于市惟恐眾之不睹事之不彰是以  
君上行之無愧心兆庶聽之無疑議凡是諧記之事  
多非信實之言利于中傷懼于公辯或云歲月已久  
不可究尋或云事體有妨須為隱忍或云惡逆未露  
宜假他事為名或云但棄其人何必明言責辱詞皆  
近理意實矯誣傷善售姦莫斯為甚若晉卿父子實

有大罪則當公議典憲若被誣枉豈令陰受播遷夫  
蓋臨受賄盈尺有刑至于士吏之微尚當嚴禁矧居  
風化之首反可通行賄道一開展轉滋甚鞭靴不已  
遂及金玉目見可欲何能自窒于心已與交私豈能  
中絕其  
意手 至是憬反疑贄排已置之門下由是與贄有

隙

雲南王異牟尋遣使上表

吐蕃雲南日益相猜韋臯復遣雲南王書欲與共襲

吐蕃驅之雲嶺之外

雲嶺即雪山亦曰雪嶺在今雲南麗江府西北滇載記雪山九

峯積雪四時玉立萬仞望之與蜀松州諸山相接或謂之雪嶺唐韋臯約雲南共驅吐蕃于雲嶺之外蓋

即雪嶺外也

獨與雲南築大城于境上置戍相保永同一家至是異牟尋遣使詣臯上表請棄吐蕃歸唐臯遣其使者詣長安上賜異牟尋詔令臯遣使慰撫之秋七月詔宰相迭秉筆以處政事

賈耽陸贄趙憬盧邁為相百官白事更讓不言乃奏請依至德故事宰相迭秉筆旬日一易詔從之其後日一易之

置欠負耗贖染練庫

政府更鈞當以  
國事為重即是  
非此出亦何難  
彼此相詰雖爭  
孰微有異同而  
折衷得當仍無  
乖協恭之義若  
各懷私意更讓

不言亦何損此  
字輔為乃至送  
相東筆句馬日  
易茲復不成政  
體陸替尚爾他  
更何責耶

戶部侍郎裴延齡奏檢責諸州欠負錢八百餘萬緡

收抽貫錢

即除陌錢也

三百萬緡呈樣物三十餘萬緡請

別置庫以掌之欠負皆貧人無所償抽貫錢給用旋

盡呈樣染練皆左藏正物延齡徙置別庫虛張名數

以惑上上信之以為能富國而寵之

左補闕權德輿奏曰延齡取常

賦支用未盡者充羨餘以為己功縣官市物再給其  
直以充別貯邊軍自今春以來並不支糧陛下必以  
延齡孤貞獨立時人醜正流言何不遣信臣覆視究  
其本末明行賞罰今衆喧于朝市豈皆朋黨邪上不

從 權德輿字

載之丹徒人

八月太尉中書令西平王李晟卒

諡曰忠武

冬十二月宣武軍亂逐其節度使劉士寧

劉士寧淫亂殘忍軍中苦之兵馬使李萬榮得衆心  
會士寧出畋數日不返萬榮召親兵詐之曰勅徵大  
夫入朝以吾掌留務汝輩人賜錢三十緡衆皆聽命  
乃分兵閉城士寧逃歸京師陸贄請選朝臣宣勞徐  
察事情上欲令萬榮知留後贄奏曰萬榮得志驕盈  
不悖則敗與其圖之于滋蔓不若絕之于萌芽且為

唐時藩鎮傾奪  
惡習相沿考復  
假以朝命是孟  
子之使亂士寧  
雖失士心實朝  
廷所宜萬榮以


唐下偏裨敢于  
開城抗拒是直  
弁皆憲典美德  
宗欲使代居其  
位固為失宜陸  
贄請算之而別  
加寵任仍不允  
調停之月  
何由得



從

國之道以義訓人若使傾奪之徒便得代居其任非  
獨長亂之道亦開謀逆之端但選能臣命為節度獎  
萬榮而別加寵任褒將士而厚賜資裝理必寧息上

御批歷代通鑑輯覽卷五十八



總校官候補中允臣王燕緒

校對官編修臣吳舒帷

謄錄監生臣李邦燮